



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Acta Synodalia Osnabrvgensis Ecclesiæ, Ab Anno Christi  
MDCXXVIII.**

**Brogberen, Johannes**

**Coloniæ Agrippinæ, 1657**

Sessio Secvnda.

**urn:nbn:de:hbz:466:1-14298**

tionis Cathedralis Ecclesiae Osnabrugensis festum, omni solemniori ritu ad maiorem diuinam Numinis honorem id peragere Illustrissime Sue Celsitudini placuit. Ante altare parochiale extra Chorum, specialiter ad id exornatum, Sacrum de Dedicatione cum Collecta de Spiritu sancto per altememoratam Illustrissimam Suanam Celsitudinem decantatum fuit. Prope dictum altare Parochiale, theatrum oblongum exstructum erat; in hujus latere dextero Cathedralis Ecclesie Canonici, in latere vero sinistro Dominus Abbas Iburgensis, Dominus Vicarius in spiritualibus Monasteriensis, Ioannes Vagedes, (qui ut haec Synodo interesset, specialiter illuc venerat,) nec non Capitulum insignis Collegiate Ecclesiae S. Ioannis Osnabrigi, in scutis, rubro panno obductis, confidebant; & Clerus reliquis per navem Ecclesiae bono ordine distributus genitellebat.

Finita concione & Sacro Parochiali quod hora sexta matutinae incepit fuit, Illustriss. Sua Celsitudo, (qua ob nimiam pluviam ex Residencia a Clero more solito commode adduci non poterat,) in ibidem, Aulicis suis stipata vehebatur ad Ecclesiam Domini Pauli; mox accedebant Canonici Cathedralis Ecclesie; & interea reliqui de Clero, bini & bini, ex loco prope Sacrarium procedebant, Chorum circumiendo ad navem Ecclesiae; hos subsecutum fuit Capitulum, ac deinde Illustrissima Sua Celsitudo. Quae dum Ecclesiam ingressa fuit, ceremonia omnia, ut in Synodo vernali quinta, peracta fuerunt.

Illustrissimus, Ecclesiam ingressus, mox in throno suo, cum Horae diurnae minores ad Sextam usque inclusivè decantate essent, Nonam inchoavit, quâ finita, solemnis per ambitum & Ecclesiam processio, (pluvia longorem circuitum impediens,) cum deportatione precipuarum Reliquiarum Civitatis Osnabrugensis, hoc ordine instituta fuit.

Primo precedebant vexilla cum Crucibus; ac deinde Clerus ex ordine ac modo, ut in Synodo Osnabrugensi quinta.

Post Capitulum Cathedralis, deferebatur, per duos Vicarios sancti Ioannis in Dalmaticis rubris, tumba argentea cum Reliquiis corporis unius Martyris ex legione Thebiorum. Sequebatur secunda tumba, portata per duos Vicarios Cathedralis Ecclesiae, similiter sacris paramentis paratos; cui inclusa erant aliquot integra Capita SS. Virginum ac Martyrum ex societate sancte Virgule.

Tertiam tumbam succollabant duo alumni Se-

minarii Osnabrugensis in Dalmaticis, cum corpore sancte Cordule Virginis & Martyris ex societate sancte Virgule. Quarta tumba cum corpore sancti Hermagorae, Patriarche Aquileiensis ac Martyris, portata fuit similiter per duos Vicarios, ut priores, Dalmaticis rufis induitos. Quinta magna tumba dein deferebatur cum integris corporibus sanctorum Regina ac Julianae, item trium aliarum Virginum ac Martyrum ex societate sancte Virgule unnominarum; cui humeros supposebant octo ex PP. Dominicanis Ordinis Predicatorum, Dalmaticis induiti. Sextam, cum corpore sancti Adolphi Episcopi & Confessoris Osnabrugensis virginis olearii, humeri gestabant duo Parochi in vestibus sacris. Septimam, quo corpus sancti Palmerii Episcopi & Martyris ex societate sancte Virgule continebat, portarunt duo Vicarii Cathedralis Ecclesiae. Octavum locum tenebat tumba, S. Candidi Martyris corpus continens, ex societate Thebiorum, portata per duos Canonicos sancti Joannis; in cuius Ecclesiam cum venerazione lucisque affervatum fuit. Nona tumba sequebatur cum corpore S. Crispiniani Martyris ac Patroni Diocesis, quam circumferabant Diaconus & Subdiaconus Misje. Decima tumba, cum corpore sancti Crispini Martyris, similiter Patroni Diocesis, ultimo loco per duos Canonicos Cathedralis Ecclesiae, pluvialibus induitos, deportata fuit. Singulas tumbas precedebant Ephebi Illustrissimi cum facibus. Ultimo loco sequebatur Illustrissimus, induitus Pontificalibus, cum ministris assistentibus; ac inde frequens populus, qui hinc processioni devotionis causa intererat. Vi primum Clerus cum prefatis Sanctorum Reliquiis Ecclesiam ingressus fuit; habita est statio solemnis in nave Ecclesiae, & cantata Antiphona de Dedicatione; quibus Illustrissima Sua Celsitudo, decantato per Diaconum & Subdiaconum Versiculo, subiunxit Collectam, & Clerus Responsorum; ac interea tumbe in altari suis locis deposita sunt per Clericos, ad id constitutos. Post haec Illustrissima Sua Celsitudo thronum ascendit, induit se parvantis Missalibus, Sacrum incepit, & alia alta fure, ut supra.

Synodus hec Diocesana tribus Sessionibus absoluta fuit; atque tam in primâ quam in secundâ Sessione, & qualibet vice, Illustrissima sua Celsitudo ad Clerum per horam dixit, de zelo erga Deum & res divinas ac proximum, presentum in Ecclesiasticis personis & Sacerdotibus, accendendo.

## SESSIO SECUNDA.

**H**ora secundâ pomeridianâ, die secunda Vesperæ de Dedicatione Ecclesie in Choro decantate fuerunt. medio tertie, campanâ majori, ad Synodum signum datum fuit. Hora tertia pomeridianâ, præviâ campanarum compulsione solenni, Illustrissimus processit ad Ecclesiam Cathedralem. post ejus ingressum in Ecclesiam, ceremonia Synodi confuerat, donec ad locum Capitularem perveniret, observata fuerunt. In loco Capitulari denzo Illustrissima Sua Celsitudo, per horam, ad Clerum, priorem manu inceptæ concionis sue materiam continuando, dixit. Sub ipsa concione, Illustrissima sua Celsitudo,

Ecclesia ad Cram

*ad Crucifixum in altari positum conversa, coram eodem, & toto Clero, pluribus ac efficacibus verbis protestata fuit, quod Episcopale munus suum per tot jam annos omnibus modis adimplere studuerit, ac proinde in conscientias singulorum, toties respectively admonitorum, correctorum & punitorum,*

*rejeciat, easdemque oneret, si, que, pro sua & subditorum singulis commissorum salute, agenda fuerunt ac posthac erunt, non praestent.*

*Sermone finito, Secretarius Synodi resumpit electionem Decretorum Synodalium.*

## SEQVNTVR DECRETA SYNODALIA.

### DECRETVM I.

**C**VM, per operosè completam tandem Visitationem generalem Dicecisi Nostræ Osnabrugensis, cognoverimus, varia, haecenus salubriter publicata & intima, tam Synodalia quam Visitationis Decreta non observari; pro Pastoralis officii sollicitudine, necessarium duximus, quædam, ut fundamenta reliquorum, in hac Synodo repetere, ac denuo inculcare, seu de novo promulgare; ut sequitur.

### DECRETVM II.

**T**ANTA est quorundam negligentia, & inexcusabilis socordia & inobedientia, ut ne quidem Constitutiones, haecenus legitime publicatas & receptas, apud se habeant, sed nec illas, aliave ipsis intimata Decreta, legant, aut, interrogati de eis, rationem reddere possint. Vnde ferio mandamus & præcipimus, ut quilibet librum Synodalem, Agendam, Missale, Proprium Sanctorum hujus Episcopatus, item Catechismum, ac librum Cantionalem vulgaris idiomatis, jam jam typis evulgandum, nec non Decreta Nostra Visitationis propria, penes se quisque habeat, retineat, legat & revolvat, sed & accurate observet, & observari respectively faciat, ut suo tempore, interrogatus de iis, rationem reddere possit.

### DECRETVM III.

**F**ESTA, processiones, jejunia, abstinentia, juxta sanctæ Matris Ecclesiæ, nec non Calendarii & Directorii Osnabrugensis dispositionem, diversis in locis non rite observantur, aut omnino negliguntur. Quare, jure merito, longos viarum anfractus, in processionibus de nocte fieri solitos, cum omnibus commissationibus, in processionibus etiam nonnullis, usitatis, absolitos volumus; ac, ut vigor Apostolicarum & Diocesanarum Constitutionum accurate observetur, demandamus, in quo Pastores suum officium singuli praæstabunt.

### DECRETVM IV.

**L**ICENTIAE, die festo laborandi, inconsiderante sine gravi causâ non concedantur. Processiones tamen, haecenus tribus feriis lexis post Trinitatis fieri consuetæ, in posterum tribus Dominicis fiant, in omnibus Parochiis.

### DECRETVM V.

**R**Eperiuntur non pauci, qui contra Decreta, antehac publicata, malunt cum famulitio alienæ religionis, quam suæ, convivere; nonnunquam cum suspicione prævâ laicorum. Itaque inculcatur serio, ut quilibet Ecclesiasticus ab hujsimodi consortio se abstineat.

### DECRETVM VI.

**A**Mbitiosa quorundam avaritia, multa sibi coacervat beneficia Ecclesiastica, unde execrables hac in parte jure communi statutas penas reponimus; monemusque omnes & singulos qui diversa beneficia possident, ut vel dispensationem, intra mensis spaciun, Nobis aut Nostro Officiali exhibeant, cauſisque dispensandi probent, vel beneficia sua refingent, aut se privandos esse sciant.

### DECRETVM VII.

**S**OLICITI etiam sumus de animabus, Nobis concretis, uti thesauro inter acatholicos hic abscondito. Itaque necessarium est, ut accuratius, quam haecenus factum fuit, nomina Communicantium in Paschate singulis annis, uti & conversorum singulis trimestribus, Nobis vel Officiali Nostro exhibeant; &, licet nullus ad Religionem orthodoxam accesserit, nihilominus id praestent; & ita de sollicitudine doceant Pastoralis officii.

### DECRETVM VIII.

**Q**VANDOQUIDEM Seminarium Clericorum huic Diocesi ante omnia necessarium, juxta facrificanti Concilii Tridentini Decreta ac monita, ferio desideramus ab omnibus, ut, secundum antiores Constitutiones, huic sacro instituto aliquid in ultima voluntate legent, aut alias contribuant.

DE-